

Әл-Фараби атындағы Қазақ Ұлттық университетінің «Қаржы және
есеп» кафедрасының оқытушылары Ж. С. Мухаметжанова,
А. З Нурмаганбетова және Б.М. Алиеваның дайындаған
«Корпоративтік қаржы» оқу құралына

СЫН ПІКІР

Жалпы қаржы жүйесінде корпоративтік қаржы секторы жетекші орын алады. Қазақстан Республикасында жүргізіліп жатқан нарықтық реформалар барысында экономиканың салаларында әр түрлі коммерциялық, кәсіпкерлік ұйымдар қалыптасып дамуда. Бұл жағдай салалық және корпоративтік қаржылардың мәнін арттырумен қатар оларды тиімді басқару мәселелерін күрделендіре түсуде. Сондықтан өндірістік, әсіресе кәсіпкерлік қызметтерді дұрыс ұйымдастырып, олардың қаржыларын іс жүзіне асыруда корпоративтік қаржының атқаратын рөлін айрықша атап кеткен жөн.

Нарықтық қатынастардың қалыптасуы еліміздегі экономика саласының көптеген дәстүрлі мағыналы бөлігін барынша өзгертіп қоймай, оны жаңа бағытқа дамытудың қажеттігін көрсетті. Ірі корпоративтік құрылымдарда, атап айтқанда қаржы-өнеркәсіптік топтарда және холдингтерде капиталдың шоғырлануы олардың қаржылық ресурстарын орталықтандыруды басқару үшін жағымды жағдай жасауға және қаржы нарығынан капиталды жұмылдыруға қазіргі әдістерді пайдалануға жағдай тудырады.

Жалпы ағымдағы кезеңде корпоративтік қаржыны қолдану кәсіпорындар үшін тиімді және пайдалы болып табылады. Осы айтылғандарға байланысты, қаржы мамандығында оқитын студенттерге корпорация қаржысын оқытудың маңыздылығы арта түсуде.

«Корпоративтік қаржы» оқу құралының мақсаты – студенттерді корпорациялардың қаржысын теориялық және практикалық ұйымдастыру мен оларды қаржылық тұрақтылыққа жету мақсатында тиімді басқару, компанияның нарықтық құнын оптимизациялау негізін игеруге теориялық және практикалық даярлау болып табылатындығын айқындайды.

Жалпы оқу құралы экономикалық жоғары оқу орындарының студенттері мен магистранттарына арналған. Курсты меңгеру студенттерге корпоративтік қаржы теориясын толық меңгере отырып, оның түрлі ұйымдастыру, жоспарлау, қаржыландыру, басқару механизмдері мен әдістерін практикалық тәжірибеде тиімді қолдана білуін қалыптастырып, сол арқылы экономикалық-қаржылық, аналитикалық талдау негізінде дұрыс қаржылық басқару шешімдерін қабылдауға мүмкіндік береді.

«Қаржы және есеп» кафедрасының

Э.Г.К., доцент м.а.



Жорабаева Ж.К.